

OMUKUETU

N:o 8

AUGUSTUS

1951



„HA KOSHIKUIILA ASHIKE, AUE, O-KOOH'APU KEHE-- DA KALUNGA”

5 Moos. 8. 3; Mat. 4 4.

Aakriste aakuetu, inatu dineni elongo ndika lj'Omua guetu. Inatu eceni oomuenjo detu di se kondjala, aue, tu paluceni oomuenjo detu nodaakuetu.

Hatu sile omalutu getu no gaana jetu no gaalelua jetu oshimpuju. Hatu longo tu mone iipaluca nomizalo noompumbue tuu adihe dokolutu, ihe ihatu lueda okudimbua oomuenjo detu no doojakuetu, nando tu shi shi oomuenjo detu no doojakuetu, nando tu shi shi okutukulua, kalu shi kudinua, aue, oluo etsali ljomuenjo. Olutu luomukriste olo otempeli j'Ombepo Ondjapuki nokuli. Etsali oli nokusilua oshimpuju, lja hanauke po, lja jonuke po. Ihe omuenjo onakukala metsali ndika ogn vule olutu, eno gu nondilo, gu vule uujuni auhe. Mat. 16: 26. Omuenjo nguka tu gu sileni oshimpuju shili, gu kale naua, gu kolekue, gu palucue kehe esiku. Ihe ihagu palucua, ihagu kolekua kiipaluca jolutu, aue, ohagu palucua no hagu kolekua kesilohenda lja Kalunga tu li na moohapu da Kalunga. Inatu pangeni oomuenjo detu iipaluca mbika.

Esiku limue nda kundacana nomukriste omukuluntu guomegumbo li naantu ojendji, naakuluntu naagundjuka naanona. Moonkundacana detu nonde mupula: „Hamu ningi tuu oandaha megumbo ljaandjeni?” Oje okua ti: „Tatu ji ningilua kulje?” Ngame no nda kumua, nda tila no nda s'oluhodi. Megumbo ljomukriste mu naantu ojendji ja longua, ja shashua no ja kolekua, je shi kulesha, je shi kuimba, ihe ihaa kongo iipaluca jokomuenjo moohapu da Kalunga, jo kaje neendacano na 'He Kalunga momagalikano. Osho sha dimbulukica ndje oohapu domusitagongalo omukuluntu, nde di uuvu naale, sho a kumagida aakuanegongalo ljaandjauo, oje okua ti: „Ongoka ta dmi iilongicohenda ja Kalunga, oohapu nomasakramenti, oje ta dini omuenjo gue muene.”

Omukuetu, tu kotokeni, tuua dine oomuenjo detu no tuua dine oomuenjo doojakuetu. Ngiika to ti: „Aue, ohandi ji tuu mongerki esiku limue naanona haa ji moskola.” Eeno, osho shuuka nosho nashi ningue shili, ihe hasho sha guana, aue. Nolutu hatu lu paluca halumue aluke oshiviike kehe, aue, ohatu lu paluca kehe esiku luaali no lutatu nokuli. Osho tuu tu paluceni oomuenjo detu uo kehe esiku onoohapu da Kalunga Tate jetu no d'Omua guetu Jesus Kristus. ----- Oojene jomagumbo, tu diginineni omukalo nguka guoandaha. Tu gongeleni aantu jomegumbo, kehe esiku koandaha. Ngiika to ti: „Ngame kandi shi 'kuuvica, kandi shi 'kulesha nokuli.” Ngame osho u li, ndi shi megumbo ljoje mu naagundjuka ja longua moskola, je shi 'kulesha nokuimba. Ojo tuu ja lombuela ja imbe 'jo ja leshe, aakuanu ja pulakene no tamu galikana. Oohapu da Kalunga odo oonkondo da Kalunga. Odo nadi simanekue kutse. Omuuvici nando kee po, Omua muene opo e li, ngelè hatu gongala medina lje no hatu mu galikana noku mu hambelela noomuenjo de mu hala shili. Omua muene okua ti: „Mpoka pe na jaali nenge jatatu ja gongala medina llandje, ongame ondi li mokati kauo.” Mat. 18: 20.

Moohapu da Kalunga ohatu uuvu eui lja Tate Kalunga ketu no lj'Omua Omukulili guetu Jesus Kristus. Omua muene no ta ti: „Aanelago omboka taa uuvu oohapu da Kalunga no taje di diginine.” Luk. 11: 28. Ehol. 1: 3.

Oohapu da Kalunga "odo oonkondo da Kalunga dokuhupica kehe tuu ngoka kui itaala." Rom 1: 16, noku tu valulula, 1 Petr. 1: 23, noku tu joga, tu jeli, Joh. 15: 3, odo unjelele uokomuenjo, 2 Petr. 1:19-21. Oohapu da Kalunga odo osh'italelo tashi tu hololele eaadimo lj' muua, nguka ku'uuda esilohenda noshili, 2 Kor. 3: 18, Joh 1: 14, neadimo ndjoka oljo tali vulu oku tu shitukica aashitua aape, oshoka oohapu desilohenda oadi tu hanganica na Kristus, 2 Kor. 5: 17, 19. Oohapu da Kalunga odo omulilo taga lungunica oon ata duulunde no tagu jelica oshingoli sheitaalo no shohoolo, odo osilua taji njanjagula omutima omukukita, Jer 23: 29. Odo egongamuele lja tsa koongenge adihe mbsali, Hebr. 4: 12. Olungenge luompango otalu tsipula iitumbaka juulunde, nolungenge luevangeli talu aaluda iilalo, oshoka tadi tu hololele oondjo detu nesilohenda lja Tate Kalunga ketu nekulilo tu li na mu Jesus Kristus "omolu ombinzi je, edimopo ljomajonagulo." Ef. 1: 7, nompito jokucika ku Tate nokutaa mbua kuje. --- Oohapu da Kalunga odo omatati ga kola tue ga peua, tu sindane mekondjo 'jetu ejapuki ljeitaalo, tu sinde satana, nuujuni nonjama jetu jene. Oohapu da Kalunga no d'aud'omauvaneko omuanaua no ga kola ge tu uuvanekele elaago neadimo ljaaluheluhe moshilongo shomegulu. Ehol. 2: 7, 11, 17; 3:5, 12, 21; 21:5-7; 22: 14, nomauvaneko omakua uo ogendji, endji.

Aakuetu aaholike, uujamba mbuka tue u longekidilua kOmua guetu Jesus Kristus, sho e tu kulila nombinzi je ondjapuki no tue u hololelua koohapu oondjapuki, inatu u dineni, aue, tu u dameni shili, noohapu da Tate Kalunga ketu nOmua Omukulili guetu "nadi kale d'uudilila shili mutse, tu kaleni nokulongacana nokupukululacana" nokukumagidacana, ngashi hatu kumagidua. Esilohenda tu li na moohapu oondjapuki inatu li taambeni osima, aue, tu li taambeni shili noku li dama nokuitaala noku di hokua. Kol. 3: 16; 2 Tim. 3: 14. Eeno oohapu da Kalunga odo oohapu dehupico, no domuenjo no delaago ljaaluheluhe. Amen.

K. J. P.

Efiku 24 la Juni omosondaha nda li moshongalele shovanjasha mu Eliri. Ovantu vahapu va ongala mongerki, omambo eshi a dja mo. Eengudu dinene dovanjasha veongalo pamue noukadona vokaumbo novamati voskola va longekidua naua omaimbilo nomahokololo. Mokuja mo ovanjasha va kala naua momukuejo komesho kua li ku na elapi lepandela 'ovanjasha tava ifanua: „Ongudu jOmuene fikama!”

Eshi tua ja mo, onda puulikina edina loshongalele ola li: Oshivilo shOmona uo kombada Mat. 22:2.

Eshi nda tala ongudu jovanjasha nda didilika va li ve na okambapila pontulo javo, ke na omusiakano. Nonda mona avese ava va li ve he ka kuete inava ja mo mongudu javo, sasi kave ka kuete. Nda uda ce-ndjovo edi, ile ndi tje epulo eli: „Kaume ue ja mo ngahelipi?” Nda kumua shili eshi omupopi okua ti: Kalunga a popia ngaha. Onaini? Efiku tuu olo ovashivua avese ve uja molupale laje. Omuene Kalunga Omuene ta holoka nounenepangelo laje ta tale ovaifanua voshivilo shOmona uaje ota tale ou e na edidiliko lOmona uaje peentulo davo no moshipala shavo.

OmuKriste omukuetu, otu na tuu edidiliko lomushiakano ua Jesus Omukuliliuetu, eli tue li peua peshasho lijapuki, otu li na tuu? Ile hatu pulua kutja tue ja mo ngahelipi? Okua tiua ou a pulua ngaha, okua umbilua momilaulu dopondjelela. Omunjasha omukuetu, otu na tuu edidiliko tue li jelula tuu pombada, ile tua jelula ashike oulunde uetu pombada? Vahapu va tuvika omushiakano uavo uopeshasho. Venja va li po efiku linja mongerki, inava ja mo mongudu, nande va kala moshiongalele omafiku aese. Nda ti pamue hatu ti, oino ngaa tu li meongalo. Itashi kuafa nande tu kale mo, manga tu he na edidiliko lomushiakano. Ohatu pulua: Ue ja mo ngahelipi? Katu na enjamukulo. Ofie vene tue li tokola, ava tua holeka edidiliko letu, nande Omuene uetu okue li tu pa moipala jetu, inatu li diinina. Omupia uetu, eshi hatu pulua epulo eli.

Onda mona momesho ovanjasha ava va li ve na okambapila pontulo, moipala javo mua vadima shili, va fa nokuli ve li pokushakeneka Omuene uavo. Va imba naua unene, nomokudja mo va imba omaimbilo amue, nda njakukua shili.

Ovanjasha nje ovaholike, ehafo eli otali hulu po, e li tu na paife, ndele ne, ehafo otali kala li fike pevi, la ava tava ka kala moshivilo shovene meulu pamue nOmona uokombada? Tava imbi omaimbilo mau aalushe.

Epulo eli nali ku tilife omunjasha nomukuaneongalo keshe. Tate Kalunga ota tale ou e na edidiliko lOmona uaje olo ohonde, nomushiakano uOmukuliliuetu. Ino tja, ame omukriste ndi li meongalo, ahoue. Lesha natango ovelise Mat. 22:14. Ino tila Omukuetu? Pamue fie na ove tua ifanua fie inatu hoololua. Nge inatu hoololua, epulo olo tuu eli: Kaume, ue ja mo ngahelipi? Ndele itatu shi dulu mufie vene okudiinina edidiliko olo letu. Natu liameke kOmukulili, oje omufindili uetu nomoluohonde jaje hatu dulu aishe.

Lipula omukuetu, ou li po ngahelipi: nomushiakano uOmukulili nge ku u na, tila.

Paulus Andreas

EJAMUKULO.

Jesus nOmbepo jegalikano te ku kongo. Omukuetu to ti: „Onda njengua okukonga Kalunga --onda njengua okugalikana, oshoka omadiladilo omiinaji taga uuda mu ngame.” Eeno otatu lesa: Kalunga okua tula aantu kombanda jevi ja kale noku-konga Kalunga ja tale, ngele taa uapa okuugadala sigo okuje noku mu mona, nando oje ina kala kokule natsa, nando ogumue guetu. Iil. 17: 27. Oludi aluhe luaantu kombanda jevi lua njengua okukonga Kalunga noku mu mona. Osho ngoje uo oto njengua okukonga Kalunga noku mu mona. Gundjila ouala ngoje u uve Jesus ta ti: Omuhali ta kongo uue uopala--a mone okaue --a mono oshaaluaata Mat. 13:44-46. Jesus oje

te ku kongo. Euvito ndjono ljokuaajemulueete kuoje oljo ekongo lje te ku kongo naljo. Nando ku mu luete, je oku li tuu mpo, mu egululila. Muunjengui u.buno to njengua okugalikana, kuca Etestamenti ljoje, tsoongolo, ikucila muljo omagalikano ge li muljo momapalmi ngashi. Eps. 77: 1-10 nosho uo galue nomoma vangeli oto ada ekuaco ndjoka. Omua ta ti: „Ongame otandi mu tilile Ombepo jegalikano.” Kalunga oje ta tula egalikano momuenjo detu, no ta vulu okugmedela po uo shi vule shoka tue shi indile. Jeluca omeho kegulu, ngu tale Jesus nkene a tsoongolo, te ku galikanene, ngu huame egalikano tuu ndjoka ljo sigololo. Di tse nu ngoje di: „Galikaneni aluhe muaa nezimbuko.”

Jesus oje ocicija, teka mo u zenota.

Ou uvite enota nondjala jokomuendo? Jesus ote ku icana, ta ti: Ngoka a senota, ne je, na ngoka a hala na taambe omeja omanamuenjo omagano. Ongame oshikuiila shomuendo. Ehol. 22: 77. Joh. 6: 48. Oho ji tuu kUulalelo Uujapuki? Onakukala pajuni otaa si shili enota nondjala jokomuendo, ihe mboka ja Jesus ihaa hepa sha. Jesus oku li mpaka, te ku popica, ta ti: Taamba oshikuiila nomeja.

Jesus oje uujelele.

Eeno omukuetu, ou li shili momilema cokocoko, oshoka ku li ne megongalo, ku li moondjokana ue di pelue kOmua poaltari je ondjapuki. Ngashingeji ku li mevi ljaandjeni, ou li muundjendi mu Union, mpoka ito vulu ngika naua okudimbulula ongerki onku-luther mokati komaitaalo ogendji. Kiilongo hoka u li, ndi shi, oua jiko, ua fomuntu ta holama ohoni jaantu. No ngika ua holama uo Kalunga, ngashi Jona inaa hala ku Ninive, nkoka ta tumua ku Kalunga. Aajoni ojendji aalumentu oje li po haa ningi, shaa ja dimbulula uulunde je u ningi, ua holoka, ohaa ji kUushimba. Opo aniaa a cige po ohoni. Ihe ua dimbua Omua ote ku landula na hoka uo. Omua sho te ku ciminkile meitedululo, nena ngele li nokuningua, oto pumbua omusita guaandjeni, egongalo ljaandjeni, ihe otashi ningua ngini, sho u li kokule. Uunene mboka mua ji mokati kaaniimpaga, ihua shili.

Ando kehe ngoka a jono i imuenene mOuambo, sigo ta tegelele euco, a uape okuja muundjendi e nombili. One mboka mua sindua kOmua muundjendi ueni, nda hala oku mu pula: Etango oko tuu li li hono? Otali minikile tuu nana? Jesus oje etango lja-silohenda tali mu kundukida ngashi unjelele uetango. Oje ta sindi omilema adihe domuenjo momuenjo guomulunde e nondjuulukue jemanguluko muuinaji, no mu ngoje uo.

OMALANDULACANO GAALI GOMADINA.

“Ajehe mbo ji iteka ndje, ojo taa njolelua mehekevi.” Jer. 17:13b.

“Njanjukiluenu omadina geni sho ga njolelua megulu.” Luk. 10:20b.

Mpaka ope nomalandulacano gaali gomadina: limue oli na omadina gaantu mboka ja njolelua pevi, nekuauo oli na omadina gaantu mboka ja njolelua megulu. Tashi ti:

Shotango: Edina ndjoka lja njolelua pevi, oljo edina ljomuntu guomuujuni mbuka. Oje ota kala e nomuenjo guomuujuni muka no ta kalele uo uujuni mbuka. Mepsalmi 17:14 oja lukua ojo “mboka je noshipena shauo muujuni mbuka”. Ojo ohaa diladila iinina mbjoka jopauujuni. — Edina ndjoka lja njolelua megulu, oljo edina ljomuntu ngoka omukuagulu. Oje omukuashilongo shomegulu, omukuiilongo kombanda jevi no ina hala ue uukuashilongo uomuka.

Oshitijaali: Ogo omadina ga mboka je nomuenjo, no ga mboka ja sa. Omadina ngoka ga njolelua megulu oga mboka je li mu Kristus no je na uo ngeji omuenjo. -- Omadina ngoka ga njolelua pevi, ogo elandulacano lja mboka ja sa momuenjo dauo.

Oshititatu: Edina ndjoka lja njolelua pevi, otali dimua po. Oljo inali njolelua moman anja ihe opehekevi. Enjolo ndjoka tali ljatua koompadi. — Edina ndjoka lja njolelua megulu kali na mpoka tali dimi po nando esiku limue.

Cshitine: Onalandulacano ngoka gaa i ge na omadina ga mboka taa ka taam ua esiku ljepangulo nenge mboka taa ekeluahi. Mboka ja njolelua megulu, ojo otaa ka ja meadimo. Eno. 21:27: "Ihe shaa shoka sha njatekua kuulunde itashi ja mo nando okashora, na ngoka ta longo iihuna niifundja, aye, ojo tuu mboka ja njolelua moramata jomuenjo o'Onzigona." Cmuene guedina ndjoka lja njolelua pevi okua popiua mEhol. 20:15: "Nokehe tuu ngoka ina monika a njolelua moramata jomuenjo, oje okua umbilua mefuta ljomulilo."

Kalunga silohenda aantu mboka omadina gauo raga aadika momalandulacano ogendji gokombanda jeevi, ihe inaga njolelua moramata jomuenjo, omboka ja simana maanankondo no maajamba no maapangeli no miita no maanandunge, ceno, no mongerki no, ihe mboka je li po natango aatondi jomushigakano gua Kristus. Esimano okombanda jeevi, ihe ohoni omuukualube — otatu ku indile: gamena kehe gumue guomu-tse koshiponga shika oshinene. Amen.

M. N. van Rensburg.
(Die Kerkbode)

OOMBIRIVE.

Andreas Muleka, Tsumeb, te tu kundica oohapu dika: Indeni, ka udifileni evangeli koi longo aise.

Sakaria Job, Onajena, te tu kumagida, no ta ti: Inatu vuulueni nando okugalikana.

Kaarl David, Tsumeb, ota pula: Osike ovantu tua hokua eliko lounjuni, itatu tila okuja momiina nokuja mofuka, nde tua tila okuja meduliko leitavelo, nande tue si uda kutja meitavelo hatu mono ehupifo lomuenjo.

Onesimus Akaua, Luderits, okua njengua komikalo de muene. Nani uusita uomuntu ou nuudigu.

Josafat Nambambi, Windhoek, oti indile tu mu galikanene omolu orapjagano guujuni tage mu kundukida.

Petrus Bartolomeus, uo a hala tu galikanenacanenani tuaa kuatue komalimbililo.

Oiva Josef ota ti: Tu lihakaneni shili keumbo lomeulu.

Th. Kanteua, Keetmanshoop, oku uvite Jesus oje kuumelela, ngele nde mu inekela, oje tuu ta fala ndje moshigunda she.

H. P. Muandingi te tu dimbuluca nkene inatu siva efimbo ile efiku lOmuenge ngenge te uja nefju letu la ehena.

Daniel Ipinge, Windhoek, te tu lombuele tu simaneke edina lOmua, Ombepo je ji je no mutse.

Andreas Nailemo te tu kundu nelaka ndika: Omunelago nomujapuki ongoka ita pangua ejumuko ljtango.

Mateus Gottfried, Tsumeb, te tu dimbuluca nkene tua peua okacimbo okashona kouala tu ilonge oondunge oombuanua.

Johannes Jason te tu kundu e ta ti: Omunelago ongoka ihe ende pamadiladilo gaakeenakonashanaka lunga.

Amon Josafat, Luderitsbaai, okua hala nokuhalelela tu kaleni mompango jimue jOmua guetu Jesus Kristus.

Andreas Nameja, Rietfontein, okua mono iiponga ja zile miikolica, onke a hala oku tu londoda tu ji jande shili.

Jesaja Jeremia, Windhoek, te tu kundu ta ti: Inatu kaleni aanona moondunge, ihe tu kaleni aanona omuunaji.

Eneas Linius, Walvisbay, ota ti: Inamu sa uunje mokudiginina kueni.

Malakia Nengola, Walvisbay, ota ti: Ofie na ove Jesus te tu ifana, moluvanda loje ta ti: Ila koitendele jodjona.

Gabriel Egumbo, Walvisbay, ote tu kundu ta ti: Tu kondjeni shili ekondjo ljeitaalo, tu longeleni Omua, manga tu nomuenjo.

Otto Kristof, oku nekundo: Uujuni laleka, pu Jesus cigala.

Andreas Mateus ta longo monasaresa joku

Orangemund noje oku nuumbanda ouindji momuenjo gue, onke ano oti indile a galikanenue.

Albin Abed, Orangemund, oku nekundo: Otango kongeni oshilongo sha Kalunga.

Helvi Heita, Endola, oku nelaka tali ti: Nda hala atuseni tu tje: omuenjo uange kondjela eulu, inekela Omukulili.

Foibe Nekango, Endola, ota ti: Ofje ovanelao ava tua fika momudo mupe, ngeno tu kale jo ovanelao ava taa ka fika mounjuni uupe ku Kalunga.

J. E. Nambinga, Orangemund, amono nkene pua tungua ontopa taji kondo omulonga gua Oranje, noki uvite, Omua Jesus oje ondjila jatja ngaaka jokukonda uujuni.

Festus Frans, Swakopmund, te tu kundu ta ti: Tu kondjeni okusinda Satana tu moneni omuenjo gualuhe.

Simon Kotze Samuel, Keetmanshoop, ota jemata omolu uudigu aauambo je li miilonga kUushimba. Jambe taa faduka po nokuli, no taa ji ontuku kilongo jokUnion, ihe otaa sile mo isheue muudigu uondjila.

Eeno, Jesus muene okua ti: Muujuni omu li mo mu nuudigu, ihe ikoleleni, ongame nda sinda uujuni.

Tomas Sheja, Onguediva ota hokolola nkene omumati a kala ha vake osuka josilumbu kOusimba, no a tulua mondolongo oule ueehani 6. Hano, ino hokua uunjuni. Satana ote ku kuata, ndele te ku tula moheli jaluse.

Petrus Hamunjela, Orangemund, a njanjukilua oohapu dOmukueti sho tadi mu tsomukumo. Eeno, otatu ku lombuele, shaa ngoka tiitaale Omua Jesus, oje e nomuenjo gualuhe. Ihe ngoka kee na Jesus, oje kee na mpoka ta hupu.

IINKUMBI IIGOJA.

Paulus Shilongo mu Orangemund oje uo ota hokolola, nkene oja njanjukua, sho ja talelua po komuhongi. Ihe nani pua kala uo ehaluko enene. Omuhongi e ja hekeleke noohapu devangeli, ihe okua pula uo mboka haa holoka koskola jeshasho, nojekoleko, na mboka je nombapila jegongalo e ja fale kUulalalo Uujapuki. Ihe ojendji ja adika kaje nombapila. Ja fa iinkumbi omulongo ja adika kombushiki ja koca. Omuhongi e ja pukulula naua omukriste oku nokuilongeki a kehe esiku, oshoka ita pu kuadika ombadilila.

KALA UA TONATA ALUHE.

OMUTONDI OHE KU HONDIUNINE ALUHE.

Eeno, omukriste gua shili u nokukala aluhe ua tonata, oshoka satana kehe esiku ote ku ende, ngashi omukuita ofule. Nani oku hoole na mpoka pua gongala aantu ojendji? Iihuna jouala, satana nani iha tila mpoka pe na aantu ojendji.

Ongulohi jimue otua li po tu li jave, otua ji megumbo li na ehangano. Omua li ondjugo onene ji icanua ondjugo jodans, kokutja ondjugo jaudano. Sho tua ji posheelo, otua cikama, inapa pita ecimbo, opue ja omulumentu no kua egulula osheelo, ihe sho tua tala mo omua li mu naagundjuka naamati naasamane naakadona naakulukadi, ihe tse inatu ja mo, oshoka inatu futa. Otua kala ouala nokupulakena pondje, ihe mondjugo cmua li tamu dana naua, oongongi nongalomafoona niikatala, nomalovu oga muua.

Ihe inatu kala po okacimbo, uudano oua halakana, ihe pehalakano hajuo pua kala shili omutondi satana.

Ite iapa okuhokolola aamati naakadona ajehe ja hangana nulonga ja satana muenelela.

Sho tua li po, ohaluka jouala nda mona aantu ja hala nomutse, nohaluka jouala ndu uuvu pokuma pamue tapu kondjo, iihuna jouala esiku ndijaka. Okua li omilema, neha ndjoka aniaua ihali danenua omutenja nenge ku na onuedi.

Ototi ngini cmukuetu? Iilonga mbjoka ojalje? Kotoka uaa kolue komavinu, kotoka uaa kale miituci juusiku.

S. Kotze Samuel.
Keetmanshoop.

E P A N D U L O.

Kovakuetu ovaholike mu Jesus Kristus. Ohai pandula unene, saasi aluse hamu tu tumine omakundo, pakumaido meendjovo da Kalunga. Osina unene, saasi aluse hamu tu pe ekumaido, ile hamu tu tu omukumo. Ame hai jandje epandulo munje amuse mu li mOvambo, nava mu li mu Union, nosojo mu Suidwes - Afrika.

Oso jo nda hala ndi tje, mokutuma omakundo ile omakumaido etu natu lijandjeni tete ku Kalunga, opo tu omakumaido etu a longe sa meemuenjo dovapuilikini nodovalesi. Tu ha tume pamukalo uefimano lopantu ahoue.

Efimano lopauntu kali nosilonga. Efimano lokeulu li nosilonga sili.

Mua kundua ku K. Augustus Sailemo, Tsumeb.

OKTOBER 1951.

- 1 M. 1 Mos. 8: 15-22. Heb. 13: 7-14.
- 2 D. Iil. 14: 8-18. Heb. 13: 15-25.
- 3 W. Ruut. 2: 1-12, 23. 3 Mos. 19: 1-18.
- 4 Do. Mk. 6: 23-44. 3 Mos. 24: 15-22.
- 5 V. Joh. 12: 20-26. Eps. 119: 1-18.
- 6 Sa. Mk. 4: 26-29. Omajel. 2: 1-8. Eps. 119: 41-56.

- 7 S. Ef. 5: 15-21. Mat. 22: 1-14. Jes. 5: 1-7. Os. 20 ja landula Uukuatatu.
- 8 M. Joh. 15: 1-8. Eps. 119: 89-96.
- 9 D. Joh. 6: 47-58. Eps. 119: 105-112.
- 10 W. Iil. 2: 42-47. Eps. 119: 169-176.
- 11 Do. Heb. 10: 19-25. Mt. 5: 1-12.
- 12 V. Ehol. 5: 11-14. Mt. 5: 13-16.
- 13 Sa. Ehol. 19: 6-9. 2 Sam. 7: 17-29. Mt. 5: 17-20.

- 14 S. Ef. 1: 11-12. Eps. 105: 1-3. Kol. 2: 6-7. Esiku 4 ljejalikano.
- 15 M. 1 Kor. 9: 24-27. Mt. 5: 27-32.
- 16 D. 2 Kor. 10: 3-6. Mt. 5: 33-37.
- 17 W. Rom. 14: 13-21. Mt. 5: 38-42.
- 18 Do. Tit. 2: 1-10. Mt. 5: 43-48.
- 19 V. Lk. 22: 31-38. Mt. 6: 1-4, 16-18.
- 20 Sa. 1 Joh. 2: 15-17. Omajel. 24: 14-20. Mt. 6: 5-15.

- 21 S. Fil. 1:3-11. Mt. 18: 23-35. 2 Sam. 19: 19-23. Os. 22 ja landula Uukuatatu.
- 22 M. 1 Mos. 50: 15-21. Mt. 6: 25-34.
- 23 D. 2 Kor. 2: 1-11. Mt. 7: 1-6.
- 24 W. 1 Mos. 33: 1-16. Mt. 7: 7-12.
- 25 Do. Jona 3 na 4. Mt. 7: 13-23.
- 26 V. 1 Mos. 18: 20-33. Mt. 7: 24-29.
- 27 Sa. Jes. 49: 14-21. Eps. 85: 9-14. Jes. 6: 1-13.

- 28 S. Fil. 3: 17-4:3. Mt. 22:15-22. Eps. 85: 9-14. Os. 23 ja landula Uukuatatu.
- 29 M. Mt. 23: 1-11. Jes. 1: 10-17.
- 30 D. Ef. 3: 14-21. Jes. 1: 18-20.
- 31 W. Eps. 124. Heb. 3: 1-6. Jes. 2: 1-5.

NOVEMBER 1951.

- 1 Do. Joh. 17. Jes. 2: 6-22.
- 2 V. Mt. 10: 34-42. Jes. 4: 2-6.
- 3 Sa. Rom. 11: 25-36. Eps. 39: 5-14. Jes. 5: 1-7.

- 4 S. Ehol. 7: 2-12. Mt. 5: 1-12. 5 Mos. 34: 1-6. Esiku ljaajapuki.
- 5 M. 1 Aakuan. 18: 21-39. Jes. 7: 10-17.
- 6 D. Hos. 2: 16-22. Jes. 8: 9-15.
- 7 W. Jer. 2: 5, 6, 10-13. Jer. 8:23-9:6.
- 8 Do. 1 Sam. 5: 1-12; 6: 1-3. Jes. 11: 1-9.
- 9 V. 1 Petr. 2: 4-10. Jes. 12: 1-6.
- 10 Sa. Jes. 54: 11-17. Job. 14: 1-5. Jes. 25: 1-5.

- 11 S. 1 Tess. 4: 13-18. Mt. 24: 15-28. Dan. 2:31-45. Os. 25 ja landula Uukuatatu.
- 12 M. Heb. 11: 8-16. Jes. 26: 1-12.

- 13 D. 1 Tess. 4: 13-18. Jes. 26: 13-21.
- 14 W. 1 Kor. 15: 20-28. Jes. 28: 14-19.
- 15 Do. Dan. 12: 1-4. Jes. 28: 23-28.
- 16 V. Jes. 35: 1-10. Jes. 29: 9-14.
- 17 Sa. Ehol. 21: 1-7. Eps. 126. Jes. 29:15-24.

- 18 S. 2 Petr. 3: 3-13. Mt. 25: 1-13. Eps. 126. Os. 26 ja landula Uukuatatu.
- 19 M. Joh. 5: 19-29. Jes. 30: 15-17.
- 20 D. Mt. 24: 29-36. Eps. 130. Jes. 31.
- 21 W. Joel. 2: 12-18. Jes. 33: 17-24.
- 22 Do. Mt. 24: 37-42. Jes. 35: 1-10.
- 23 V. Ehol. 2: 8-11. Mt. 24: 1-14.
- 24 Sa. Ehol. 20: 11-15. Jes. 35: 3-10. Mt. 24: 15-28.

- 25 S. 2 Tess. 1: 3-10. Mt. 25: 31-46. Dan. 12:1-4. Os. jepangulo.
- 26 M. 1 Tess. 5: 1-10. Mt. 24: 15-28.
- 27 D. Fil. 2: 12-18. Mt. 24: 43-51.
- 28 W. Heb. 10: 32-39. Mt. 25: 1-13.
- 29 Do. Ehol. 3: 7, 8, 10-13. Mt. 25: 14-30.
- 30 V. Ehol. 3: 14-22. Mt. 20: 31-46.

DESEMBER 1951.

- 1 Sa. Ehol. 21: 9-14. 18-26. Jer. 31: 31-34. Eps. 98. Eps. 24: 7-10. Jes. 25: 6-10. Eps. 100.
- 2 S. Os. 1 jomu Advent.
- 3 M. Habakuk 2: 1-4. Eps. 5: 2-8.
- 4 D. Kol. 1: 9-14. Eps. 5: 9-13.
- 5 W. 2 Sam. 7: 4-6. 8-16. Eps. 13.
- 6 Do. Sef. 3: 9-20. Eps. 16.
- 7 V. Joh. 18: 33-37. 19: 1-5. Eps. 24: 1-6.
- 8 Sa. Ehol. 22: 12-14, 16, 17, 20, 21. Mal. 4. Eps. 24: 7-10.

- 9 S. Heb. 10: 35-39. Lk. 12: 32-40. Mal. 4. Os. 2 jomu Advent.
- 10 M. Jes. 26: 1-13. Eps. 40: 1-13.
- 11 D. Jes. 51: 9-16. Eps. 40: 14-18.
- 12 W. Lk. 12: 42-48. Eps. 63.
- 13 Do. Jes. 52: 7-10. Eps. 84.
- 14 V. Sak. 2: 1-5. 10-13. Eps. 85.
- 15 Sa. Jes. 12:1-6. Jes. 40:1-8. Eps. 86:1-12.

- 16 S. 2 Petr. 1: 19-21. Mt. 11: 11-19. Jes. 12. Os. 3 jomu Advent.
- 17 M. Lk. 1: 57-70. Eps. 93.
- 18 D. Mt. 11: 11-15. Eps. 95.
- 19 W. Hosea 14: 2-9. Eps. 110.
- 20 Do. Jes. 57: 14-21. Eps. 118: 1-18.
- 21 V. Joh. 5: 31-38. Eps. 118: 19-26.
- 22 Sa. Jes. 62: 1-5. 10-12. 5 Mos. 18: 15-19. Eps. 145: 1-7.

- 23 S. Jes. 62:10-12. Joh. 3:22-36. 5 Mos. 18:15-19. Os. 4 jomu Advent.
- 24 M. Mt. 1: 18-25. Jes. 9:5. Joh. 1:1-5.

- 25 D. Heb. 1:1-12. Joh. 1:1-14. Jes. 11:1-5. Esiku ljoKrisimesa. 1 Petr. 4:12-19. Mt. 10:32-39. Jes. 45:17-19.
- 26 W. Esiku. eti 2 ljoKrisimesa.
- 27 Do. 1 Joh. 3:1-6. Joh. 1:19-28.
- 28 V. 1 Joh. 3:7-12. Joh. 1:29-34.
- 29 Sa. Joh. 12:35-43. Jes. 63:7-16. Joh. 1:35-42.

- 30 S. 1 Joh. 5:19-21. Eps. 2. Jes. 8:9-15. Os. ja landula Okrisimesa.
- 31 M. Rom. 8:31-39. Eps. 90. Eps. 67.

OMAHOKOLOLO GO MO BIBELI gomushindonga oga njanjangidululua no taga monika isheue kostora jomambo. Embo limue tali landua ngashingeji ocilinga notiki (1/3).